

بتكذب ليه

و كذب بكذب ..

حقول بايعاك

ومش حسنتى ييجى

هواك

ولا حقعد ورا الشباك

و أتمنى أشوف طيفك

ولا حقدر أكون ضيفك

ولا حترجى يوم شوفك

ما طول عُمرك

فايتنى وماشى على كيفك

ندهت عليك

وكنت تَلبى لندايا

وكنـت الطـيب الناصـح
ولا فكـرت فـه أسـايا
تروح أيام وترجع لى
تلاقى العـشق فـه غـنايا
وتحكى لى وتـشكى لى
أداوى الجـرح و أطـيب
بميت ضـحكـه ووردايه
ولما الدنيا تضحكك
تبيع العـمر وصبـايا !
وهجر بهجر راح
أبعد
حتـعند برضـه راح
اعند
ماهـيش فارقـه

ما انا اتعودت ع الحرمان

وع الفُرقه

وكنت أدادى فيك ليلى

تفضض لى وأشكيلك

و تسأل برضه أدعيك

لا يوم مليت

ولا حسيت بدمع عيونى

يبكيلك

وطول عمرى و أنا عاشقه سواد

ليلى

وف الآخر

تقول تعبان ومش ندمان

على جرحى

وبتبكىنى يوم

فُرحى

بتكذب ليه ؟؟

عاشقتى م الصُّباع للراس

بتهمس كلمه جوايا

بمبييت إحساس

عيونك لسه عشقانى

وعندك أبقى أغلى الناس

وبتعافر

وعندك .. ياما كان

كافر

ف قلبك حُبى بيسافر

لأبعد كون

وبملك كل تفكيرك

200 مره أكيد ف اليوم

وتانى تجيب
عَلَيَّا اللوم
يا راجل فوق
ف بُعدى إمتى كنت تروق
خلاص إرتاح
ولوم باللوم
حفارق قلبك القاسى
و أغير لك ف إحساسى
وحرفض
إنى أبات
مظلوم ..
و كذب بكذب ..
حقول بايعاك
ومش حسنتى ييجى هواك !!